



UNIVERSITÄTS-
BIBLIOTHEK
PADERBORN

Institutiones Canonicae

Schnorrenberg, Anno

Coloniae, 1740

Privilegium Cæsareum.

[urn:nbn:de:hbz:466:1-62040](https://nbn-resolving.org/urn:nbn:de:hbz:466:1-62040)




Privilegium Cæsareum.



AROLUS Sextus Divinâ favente Clementiâ

Electus Romanorum Imperator semper Augustus, ac Germaniæ, Hispaniarum, Hungariæ, Bohemiæ, Dalmatiæ, Croatiæ, Sclavoniæ Rex, Archidux Austriæ, Dux Burgundiæ, Styriæ, Carinthiæ, Carniolæ & Wurtenburgæ, Comes Tyrolis &c. Agnoscimus & notum facimus tenore præsentium universis, quòd, cum Nobis Noster & Imperii Fidelis Dilectus SERVATIUS NOETHEN, Bibliopola Colonienfis humillimè exponi curârit, quem in modum R.D. ANNO SCHNORRENBURG Ord, Præmonstratensis *Institutiones Canonicas cum Commentariis in Eiusdem Juris Regulas* prælo committere resolverit; vereatur autem, ne Æmulorum invidiâ hanc Editionem imitantium impendii & laboris sui fructu frustretur, ideòque Nobis demissè supplicârit, quatenus ejus indemnitati Privilegio Nostro Cæsareo succurrere clementissimè dignaremur, Nos submissâ pariter & æquæ ejus petitioni annuendum censuimus: Ac proinde Authoritate Nostrâ Cæsari eâ omnibus & singulis Bibliopolis, Bibliopegis, Typographis, & aliis quibuscunque rem librariam seu negotiatiònem exercentibus firmiter inhibemus, vetamus & interdici-mus, ne quis supra nominatas R.D. SCHNORRENBURG *Institutiones Canonicas cum Commentariis in Eiusdem Juris Regulas* sub hoc aliòve titulo per octo annorum spatium ab hodierno die computandum, intra Sacri Romani Imperii, & Regnorum Ditionumque Nostrarum Hæreditariarum fines recudere, vel aliis recudendas dare, aliorumve impressas apportare, vendere vel distrahere, citra præfati Impetrantis, Hæredumque, ac Successorum voluntatem & assensum, in scriptis obtentum, ausit vel præsumat; Si quis verò secùs faciendo Privilegium hoc Nostrum seu Interdictum violare contemneretque præsumperit, eum non solùm ejusmodi Exemplaribus, ubicunque locorum repertis, perperam quippè reculis & apportatis (quæ dictus SERVATIUS NOETHEN sive propriâ autoritate, sive Magistratûs illius loci auxiliò sibi vindicare poterit) de factò privandum, sed & quinque marcarum auri puri penâ Ærario seu Fisco Nostro Cæsareo & parti læsæ ex æquo pendendâ, omni spe veniæ sublatâ, multandum decernimus, dummodò tenor hujus Nostri Privilegii in fronte Libri impressus reperiatur, & consueta quinque



Exemplaria Consilio Nostro Imperiali Aulico exhibeantur. Mandamus itaque omnibus & lingulis, & Sacri Romani Imperii Regnorumque, & Dominiorum Nostorum Hereditariorum Subditis & Fidelibus tam Ecclesiasticis, quam Sæcularibus, cujuscunque Statûs, Gradûs, Dignitatis aut Ordinis exstiterint, præfertim verò iis, qui in Magistratu constituti, vel suo vel Superiorum suorum nomine jus justitiâmque administrant, ne quempiam Privilegium hoc Nostrium Cæsareum impunè violare, spernere aut transgredi patiantur; Sed si quos contumaces repererint, consuetâ à Nobis multâ eos puniri, & quibuscunque modis idoneis coerceri curent, quatenus & ipsi gravissimam Nostram indignationem, prædictâque pœnam evitare voluerint, Harum testimonio literarum Manu Nostâ subscriptarum & Sigilli Nostri Cæsarei appensione munitarum, quæ dabantur in Civitate Nostâ Vienna die trigessimâ Septembris Anno millesimo septingentesimo trigesimo octavo, Regnorum Nostrorum Romani vigesimo septimo, Hispanicorum trigesimo sexto, Hungarici & Bohemici verò vigesimo octavo.

CAROLVS mpp.

(L.S.)

Vt. JO. ADAM Comes de
METSCH mpp.

*Ad Mandatum Sacre Cæsaree
Maiestatis proprium.*

J.J. Hayeck de Waldstätten mpp.

PRÆ-